

# Pemuda mengaku tidak bersalah tuduhan rogol gadis bawah umur

**SIBU:** Seorang pemuda mengaku tidak bersalah di Mahkamah Sesyen di sini, semalam atas pertuduhan merogol seorang gadis bawah umur pada 28 Februari lepas.

Tertuduh, 20, membuat pengakuan tidak bersalah itu setelah pertuduhan dibacakan kepadanya di hadapan hakim Musyiri Peet.

Mahkamah kemudian menetapkan tarikh 19 Ogos depan sebagai tarikh pengu-rusan kes.

Sementara menunggu tarikh tersebut, tertuduh dibenarkan bebas dengan ikat jamin RM8,000 dengan RM6,000 dalam bentuk de-

posit, berserta dua penjamin yang beralamat tetap di SibU, Bintangor atau Sarikei.

Mengikut pertuduhan, dia didakwa merogol seorang gadis berusia 15 tahun di dalam bilik tidur sebuah rumah di Permai Jaya pada 28 Februari 2026.

Sehubungan itu, tertuduh didakwa melakukan kesalahan di bawah Seksyen 376(1) Kanun Keseksaan yang mana jika disabitkan bersalah boleh dijatuhi hukuman penjara tidak melebihi 20 tahun dan juga sebatan.

Pendakwaan kes dikenal-dalikan oleh Timbalan Pendakwa Raya Cynthia Em-melda Jerry.